

## BERRI OROKORRAK

2019ko azaroaren 8an 9. zenbakia



### Euskaraz Bizi!!!!

#### Euskaraldiaren antolaketarako laguntzaileak behar dira.

2020ko bigarren edizioa prestatzeko boluntarioak behar ditu Usurbilgo Euskaraldiak. Lau lantalde osatu dira: denetarikoen entitateekin lan egiteko, ekintzak antolatzeko, edota koordinazio eta komunikazio lanak bideratzeko.

Lantaldeetan izena emateko edo momentu puntualetan laguntzeko prestutasuna adierazteko, esteka honetako galdetegia osatzea eskatzen da: <https://forms.gle/urlU7xxi26Jdc6RX7>

Eskerrik asko!



#### 1.-Bihar familia-plana.

Bihar, azaroak 9, Usurbilen, Mundualdia ospatuko da. Bertan, munduko jaki zein dantza ezberdinez gozatzeko aukera izango da, besteak beste. Zirimarak, Orbeldi dantza taldearekin batera familia-plana prestatu du larunbat arratsalderako.

Arratsaldeko 17:30ean elkartuko gara Mikel Laboa plazan eta bertan Herri Kiroletan jarduteko aukera izango dugu haurrekin batera. Jarraian, arratsaldeko 18:00etan, ekitaldiari hasiera emango zaio eta guztiok elkarrekin dantza batzuk ikasteko aukera izango dugu!

Anima zaitzte!

#### 2.-KMK 2020, arropa salmentarako laguntza eskaera!

2020. urtean Villabona-Zizurkilgo Zubimusu Ikastolak antolatuko du Kilometro eguna.

Urtero bezala, herriz-herri Kilometroetako arropa salmenta egiten da eta Zubimusu ikastolak, Usurbilen, **azaroaren 24an** ospatuko den Erle egunean arropa saltzeko 4 boluntario eskatzen ditu. Postua plazan jarriko da eta ordutegia **10:30etik 14:00ak** arte izango da.

Izena emateko [FORMULARIO HAU](#) betez edota idazkaritzara deituz egingo da. Azaroaren 18a arteko epea duzue. Animatu!

#### 3.-Bazkietza-kuotaren kobrantza.

Azaroko erreziboarekin batera **bazkietza-kuota** kobratuko zaizuela jakinarazi nahi dizuegu. Familia bakoitzeko **12,02 euro** dira.

#### **4.- Eskia denontzat 2020**

Ohitura denez, Ikastolak urtero bezala, neguko giroa aprobetxatuz, LH 5. mailatik gorako ikasleei zuzenduriko eski-aldia antolatu du. Aurten asteburu berean bi irteera eskainiko dira: egun berean joan-etorrikoa eta asteburu osokoa.

<b>EGUN BEREAN JOAN-ETORRIA</b>	<b>ASTEBURU OSOA</b>
<p>NOIZ: 2020ko urtarrilaren 25ean. NORA: Candanchu-ra. MODALITATEA: ESKI ALPINOA eta SNOWA. SALNEURRIA: 112 euro Prezioan honako zerbitzuak sartzen dira: - Autobusez bidaiia. - Ekipamenduaren alokairua: botak, bastoiak, kaskoa, eski edo snow-taulak (aukeraren arabera). - Arduradunak ikasleak zaintzeko eta 2 orduko eski-ikastaroa euskaraz. - Eguneko eski-asegurua. - Eguneko forfaita</p>	<p>NOIZ: 2020ko urtarrilaren 25etik 26ra. NORA: Candanchu-ra MODALITATEA: ESKI ALPINOA eta SNOWA. SALNEURRIA: 210 euro Prezioan honako zerbitzuak sartzen dira: - Autobusez bidaiia. - Ekipamenduaren alokairua: botak, bastoiak, kaskoa, eski edo snow-taulak (aukeraren arabera). - Arduradunak ikasleak zaintzeko eta 2 orduko eski-ikastaroa euskaraz bi egunetan. - Bi eguneko eski-asegurua. - Bi eguneko forfaita. - Mantenu osoa Villanuan.</p>

**OHARRA:** Eski-estazioan bertan gertaturiko istripuak aseguratutik daude, estaziotik kanpo gertaturikoak Gizarte Segurantzatik bideratuko dira. Bestalde, izen-ematea egiteak, komunak diren gastuei aurre egitea suposatzen du, nahiz eta ondoren atzera egin (autobusaren gastuak, monitoreanak, etab.).

Izena eman duten familiekin aurrerago bilera bat egingo da dena zehazteko eta zalantzak argitzeko. Bi irteerak egiteko gutxieneko taldea osatu beharko da.

**ORDAINKETA:** Izen-ematearekin batera aukeratutako irteeraren kostua bere **osotasunean ordaindu** beharko da Nafarroako Rural Kutxan, ES80 3008 0259 1921 5462 6820 (Kontzeptuan ikaslearen izen-abizenak) **azaroaren 22a baino lehen**. Ez da idazkaritzan bankuko ziurtagiria aurkeztu beharko.

**IZEN-EMATE EPEA:** AZAROAREN 8tik 22ra.

**IZEN-EMATEA:** albiste-buletineko [FORMULARIO hau](#) betez azaroaren 22a baino lehen. **Aurten, ez da idazkaritzara ordainketa egiaztagiririk ezta izen-ematerik ekarri beharko.**

#### **5.-Hitzaldia: Hitz-aho guraso elkarteak eta Udaleko parekidetasun sailak antolatuta.**

**Noiz:** azaroaren 21ean 17:00etan.

**Non:** DBHko eraikinean (eraikin gorria)

**Hizlaria:** Harremanitz

**Familiak ere jendarte parekide baterantz**

"Jendarte parekide bat lortzerantz, lehenik eta behin, kontzientzia hartu behar dugu gaur egungo jendarte ereduak genero eta sexualitate anitzen errealitateak non kokatzen dituen. Horretaz gain, hezkuntzatik badaukagu zer egin berdinen arteko jendarte baterantz. Familiek ere hezkuntza eragile izanik, badaukate honetan zer esanik eta eginik. Familiak, haur eta nerabeen hezkuntza parekide baterantz begira jar daitezke. Horretaz eta gehiagoz solas gaitzke hitzaldi honetan."

# OHARRAK ETAPAKA



HE

Ez dago berririk.



HH

Ez dago berririk.



LH

## 1.-LH 1eko gurasoei zuzendutako oharra.

Dakizuen bezala, aste honetan zehar zuen seme-alabei **optometristak froga ezberdinak** pasa dizkie.

Datorren astean zehar froga horien emaitzak jasoko dituzue eta **azaroaren 13an**, asteazkena, arratsaldeko **17:00etan**, **LH 1eko gelan bilera informatiboa** egingo da. Bertan, ikasleei egin zaizkien frogen berri emango da txostena hobeto ulertu ahal izateko. Horrez gain, ikusmen-prebentzioko aholkuak eta kaltetuak ikusi diren ikusmen-trebetasunak hobetzeko zenbait ariketa proposatuko dira.

Frogak pasa zaizkien haurren familiei **12 euro** kontu korrontetik kobratuko zaizkie.

## 2.-Zorriak.

**LH 6ko** Ikasle batzuegan zorriak somatu ditugu.

**Norberak bere seme/alabarekin egoera horretan ohikoak diren higiene neurriak hartzea eskatu nahi dizuegu.**

Arazo hau ezabatzen erraza egiten ez dela jakitun, mediku batekin alderatu ditugun zorrien aurka egiteko jarraibide batzuk emango ditugu.

**Zuen seme edo alabaren batek zorriak dituela ikusten baduzue:**

1. Ondo begiratu familiako denei.
2. Zaindu arretaz bakoitzaren gorputz-garbitasunari dagokiona. Hala nola:
  - Orrazien garbitasuna arretaz begiratu.
  - Bakoitzak bere orrazi, eskuila, zinta, gantxo eta bestelako ile-apaingarriak izan eta erabiliko ditu.
3. Tratamendu berezia:
  - Buruko larrua zorrien aurkako lozio batez igurtzi (**KISE, ITAX,...**) eta horrela eduki 6 edo 8 orduz toalla batez estalita.
  - Oihala kendu ondoren, hildako bartzak (arrautzak) orrazi fin batekin baino, **eskuz banan bana kentzea eraginkorragoa da.**

Aste bat pasa ondoren tratamendua berritu aurrekoan bezalaxe.

**NEURRI HORIEK ERAGINKORRAGOAK IZAN DAITEZEN SAIATU DENOK ASTEBURU HONETAN EGITEN TRATAMENDUA**



DBH

Ez dago berririk.